



Broj: 03-26-5-56-1/20

Istočno Sarajevo, 23.4.2020. godine

Povodom aktuelnih dešavanja u Bosni i Hercegovini u vezi sa virusom COVID-19 i službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne ili druge nesreće na teritoriji Bosne i Hercegovine od strane Savjeta ministara Bosne i Hercegovine od 17.03.2020. godine, Savjet za državnu pomoć Bosni i Hercegovine u okviru svojih nadležnosti definisanih Zakonom o sistemu državne pomoći u Bosni i Hercegovini („Službeni glasnik BiH“, broj 10/12) daje sljedeće:

O B A V J E Š T E N J E

o primjeni Zakona o sistemu državne pomoći u BiH u aktuelnoj situaciji izazvanoj pandemijom virusa COVID-19

Povodom aktuelnih dešavanja u Bosni i Hercegovini u vezi sa virusom COVID-19 i službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne ili druge nesreće na teritoriji Bosne i Hercegovine od strane Savjeta ministara Bosne i Hercegovine od 17.03.2020. godine, kao i okolnosti koje iz toga proizilaze, kao što su ograničenje kretanja, izbjegavanje većih javnih okupljanja, zatvaranje granica Bosne i Hercegovine i slično, te specifične dinamike rada privrednih subjekata, posebno zabrane rada u određenim sektorima privrede, kako to opisane okolnosti nalažu, nameće se zaključak da pandemija COVID-19 predstavlja, ne samo opasnost po zdravlje građana, nego i snažan udar na svjetsku, evropsku, pa samim tim i ekonomiju u Bosni i Hercegovini. Naime, navedene mjere imaju direktni uticaj na potražnju i ponudu i pogađaju preduzeća i zaposlenike, posebno u turizmu, maloprodaji i saobraćaju. Osim direktnih posljedica na mobilnost i trgovinsku razmjenu, pandemija COVID-19 sve više utiče i na preduzeća u svim sektorima, mala, srednja i velika, a posebno na preduzetnike. U vanrednim okolnostima uzrokovanim pandemijom COVID-19 preduzeća svih vrsta mogla bi se naći u situaciji ozbiljnog manjka likvidnosti. Solventna i nešto manje solventna preduzeća mogla bi se suočiti sa iznenadnim manjkom ili čak nedostupnosti likvidnih sredstava. Mala i srednja preduzeća posebno su izložena riziku. Zato bi to kratkoročno i srednjoročno moglo ozbiljno uticati na ekonomsku situaciju brojnih zdravih preduzeća i na njihove zaposlenike, uz dugoročne posljedice po njihov opstanak.

S obzirom da se u narednom periodu očekuje preuzimanje mjera od strane svih nivoa vlasti u Bosni i Hercegovini (odredene mjere su već preuzete) s ciljem saniranja posljedica po privredu, što će dovesti do povećanog obima dodjele javnih sredstava iz budžeta ili umanjenja javnih prihoda, te da određeni broj mjera može predstavljati državnu pomoć iz člana 3. stav (1) Zakona o sistemu državne

pomoći u Bosni i Hercegovini¹ (u daljem tekstu: Zakon), Savjet za državnu pomoć Bosne i Hercegovine (u daljem tekstu: Savjet) upućuje davaoce državne pomoći da je u tom slučaju neophodno da navedene mjere budu u skladu sa Zakonom. Odredbom člana 3. stav (2) Zakona propisano je da su davaoci državne pomoći: Bosna i Hercegovina, Federacija Bosne i Hercegovine, Republika Srpska, Brčko Distrikt Bosne i Hercegovine, kantonalne, gradske i opšinske uprave putem ovlašćenih pravnih lica, te svako pravno lice koje dodjeljuje ili upravlja državnom pomoći.

Shodno navedenom, Savjet je u svrhu boljeg razumijevanja pravila državne pomoći, prije svega odredbi Zakona, odlučio ovim Obavještenjem dati davaocima državne pomoći tumačenje pojedinih zakonskih odredbi koje im omogućavaju da u ovakvim vanrednim okolnostima dodjeljuju državnu pomoć privredi na brz, efikasan i prije svega zakonit način.

Savjet je predmetno Obavještenje izradio shodno pravilima Evropske unije o državnoj pomoći, prije svega shodno Komunikaciji Komisije - Privremeni okvir za mjere državne pomoći u svrhu podrške privredi u aktuelnoj pandemiji COVID-19 od 19.3.2020. godine² (u daljem tekstu: Privremeni okvir) i izmjenama navedenog Privremenog okvira od 3.4.2020. godine³, te Komunikaciji Komisije Evropskom parlamentu, Evropskom vijeću, Vijeću, Evropskoj centralnoj banci, Evropskoj investicionoj banci i Eurogrupi – Koordinisani ekonomski odgovor na pandemiju COVID-19 od 13.3.2020. godine⁴. Naime, Savjet je u skladu sa članom 71. stav 2. Sporazuma o stabilizaciji i pridruživanju zaključenim između Evropskih zajednica i njihovih država članica, s jedne strane i Bosne i Hercegovine, s druge strane (u daljem tekstu: SSP⁵), obavezan da prilikom ocjene zahtjeva za dodjelu državne pomoći primjenjuje, ne samo pravo Bosne i Hercegovine, nego da na odgovarajući način primjeni i kriterije i uslove koji proizilaze iz primjene konkurenčijskih pravila važećih u Zajednici, posebno člana 81., 82., 86. i 87. Ugovora o osnivanju Evropske zajednice (u daljem tekstu: UEZ) (sada čl. 101., 102., 106. i 107. UFEU-a) i instrumenata za tumačenje koje su usvojile institucije Zajednice, te u skladu sa članom 1. stav (2) Zakona kojim je propisano da Savjet kao nadležno tijelo vrši primjenu i provođenje njegovih odredbi u skladu s pravilima Evropske unije (u daljem tekstu: EU) o državnoj pomoći. Navedeni pravni okvir EU predstavlja relaksaciju postojećih pravila državne pomoći, na način da propisuje više pragove intenziteta i iznosa državne pomoći, uz preporuku korišćenja preciznih instrumenta kojima se najmanje narušava konkurenčija, uz uslove pod kojima je moguće dodijeliti takvu pomoć.

Shodno prethodno navedenom, u nastavku ćemo dati pregled mjera državne pomoći koje davaoci u trenutnim vanrednim okolnostima mogu preduzeti u skladu sa odredbama Zakona, a koje smo tumačili šire, odnosno fleksibilnije u skladu sa aktuelnim pravnim okvirom EU u oblasti državne pomoći i na način kako to čini Evropska komisija u svojim odlukama, te pregled mjera koje ne predstavljaju državnu pomoć u smislu Zakona i mjera koje su izuzete od primjene Zakona.

¹ "Službeni glasnik BiH", broj 10/12.

² Službeni list Evropske unije, serija C, broj 0911, od 20.3.2020. [https://eur-lex.europa.eu/legal-content/HR/TXT/PDF/?uri=CELEX:52020XC0320\(03\)&from=EN](https://eur-lex.europa.eu/legal-content/HR/TXT/PDF/?uri=CELEX:52020XC0320(03)&from=EN)

³ Službeni list Evropske unije, serija C, broj 112 I, od 4.4.2020. [https://eur-lex.europa.eu/legal-content/HR/TXT/PDF/?uri=CELEX:52020XC0404\(01\)&from=EN](https://eur-lex.europa.eu/legal-content/HR/TXT/PDF/?uri=CELEX:52020XC0404(01)&from=EN)

⁴ COM(2020) 112 final od 13. marta 2020. https://ec.europa.eu/info/sites/info/files/communication-coordinated-economic-response-covid19-march-2020_en.pdf

⁵ „Službeni glasnik BiH“, broj 5/08 – izdanje medunarodni ugovori.

1) Mjere koje ne predstavljaju državnu pomoć u smislu člana 3. stav (1) Zakona

a) Mjere koje se bez razlike primjenjuju na sve privredne subjekte u BiH (opšte mjere): Davaoci mogu da preduzmu mjere primjenjive na sve privredne subjekte, bez diskriminacije. U opšte mjere spadaju na primjer, finansijaska podrška iz budžeta u vidu subvencija za plate zaposlenih ili poreske olakšice u vidu oslobođanja ili obustave plaćanja poreza na dobit i poreza na dodanu vrijednost ili doprinosa za socijalno osiguranje ukoliko se ne dodjeljuju na selektivnoj osnovi. Naime, ove mjere nisu selektivne, ako se primjenjuju na sve privredne subjekte bez izuzetka i kao takve ne predstavljaju državnu pomoć u skladu sa članom 3. stav (1) Zakona i nije ih potrebno prijavljivati Savjetu na odobrenje.

b) Mjere finansijske podrške koja se dodjeljuje direktno potrošačima (građanima): Mjere od kojih direktno imaju koristi potrošači, npr. troškovi za otkazane usluge ili karte koje ne nadoknađuju operateri tih usluga. Ove vrste mjera ne kvalificuju se kao državna pomoć u smislu člana 3. stav (1) Zakona.

2) Mjere na koje se Zakon ne primjenjuje u skladu sa članom 4. stav (2) Zakona

Smatramo bitnim ukazati na odredbe člana 4. stav (2) tač. od a) do c) Zakona kojim je propisano da se Zakon ne primjenjuje na državnu pomoć za poljoprivredu i ribarstvo, državnu pomoć nacionalnoj bezbjednosti ili vojnoj industriji, uključujući pomoć dodijeljenu za tehnologiju dvostrukе namjene, pod uslovom da je svrha te pomoći da subvencionira robe i tehnologiju koje su namijenjene isključivo u svrhe nacionalne bezbjednosti ili odbrane i na javnu potrošnju na infrastrukturu. Dakle, davaoci državne pomoći mogu preuzimati mjere finansijske podrške privrednim subjektima iz navedenih sektora bez obaveze primjene Zakona i drugih propisa iz oblasti državne pomoći.

3) Mjere koje su mogu preuzeti u skladu sa članom 6. stav (1) tačka a) Zakona

Članom 6. stav (1) Zakona propisano je da pomoć koja ima socijalni karakter i koja se dodjeljuje pojedinačnim korisnicima bez diskriminacije u pogledu porijekla robe, proizvoda koji čine dodijeljenu državnu pomoć, predstavlja dozvoljenu državnu pomoć koja se može dodijeliti bez odobrenja Savjeta, odnosno nije je potrebno prijavljivati Savjetu shodno članu 12. stav (1) Zakona.

4) Mjere koje su mogu preuzeti u skladu sa članom 6. stav (1) tačka d) Zakona

Davaocima su na raspolaganju i mjere koje se odnose na dodjelu državne pomoći male vrijednosti koja je uskladena sa pravilom *de minimis* u skladu sa članom 2. tačka c) ovog Zakona i koja shodno članu 6. stav (1) tačka d) Zakona predstavlja dozvoljenu državnu pomoć i nije predmet postupka odobrenja od strane Savjeta. Državna pomoć male vrijednosti - *de minimis* pomoć definisana je članom 2. tačka c) Zakona kao pomoć koja se **dodjeljuje jednom privrednom subjektu** za bilo koju svrhu, jednom ili više puta i koja ne prelazi iznos od **200.000 eura** u toku bilo kojeg perioda od **tri uzastopne fiskalne godine**. Državna pomoć male vrijednosti je oblik državne pomoći koji se najčešće koristi u praksi, prije svega zbog praga od 200.000 eura jednom privrednom subjektu koji je izrazito visok u odnosu na ograničena budžetska sredstva, zatim što se može dodijeliti za bilo koju

namjenu i ciljeve koji nisu dozvoljeni drugim pravilima o državnoj pomoći (iznad praga od 200.000 eura), te što se može dodijeliti u bilo kom obliku (subvencije, subvencije kamate, krediti s preferencijalnom kamatnom stopom, poreske olakšice, garancije, dokapitalizacije itd). Ovaj oblik državne pomoći može se dodijeliti kao program/šema državne pomoći (kada se dodjeljuje unaprijed neodređenim korisnicima) ili kao pojedinačna državna pomoć. Smatramo bitnim ukazati davaocima na činjenicu da iznos programa državne pomoći može biti iznad iznosa od 200.000 eura, ali je neophodno da se **iznos po pojedinačnom korisniku** ograniči do dozvoljenog praga, odnosno da **ne prelazi 200.000 eura**. Takođe, ne manje bitno je i da davaoci imaju obavezu da u programu/šemi državne pomoći i pravnom osnovu za dodjelu pojedinačne državne pomoći navedu da se pomoć dodjeljuje shodno članu 6. stav (1) tačka d) Zakona, odnosno u Federaciji BiH i u skladu sa Uredbom o uslovima i postupku za dodjelu pomoći male vrijednosti – *de minimis* pomoć⁶.

5) Mjere koje su mogu preduzeti u skladu sa članom 6. stav (1) tačka b) Zakona

Odredbom člana 6. stav (1) tačka b) propisano je da pomoć za naknadu materijalne štete prouzrokovane prirodnim nepogodama ili drugim vanrednim okolnostima predstavlja dozvoljenu državnu pomoć koja se može dodijeliti bez odobrenja Savjeta. Navedena zakonska odredba je u potpunosti usaglašena sa članom 107. stav (2) tačka b) Ugovora o funkcionisanju Evropske unije⁷ (u daljem tekstu: UFEU) kojim je propisano da je spojiva s unutrašnjim tržištem pomoć za otklanjanje šteta prouzrokovanih prirodnim nepogodama ili drugih vanrednim dogadjajima. Prema pravilima EU u oblasti državne pomoći, da bi se kvalifikovao kao vanredna okolnost, događaj mora biti (1) nepredvidiv ili teško predvidiv; (2) značajnih razmjera/uticaja na ekonomiju; i (3) događaj, odnosno okolnost mora biti vredna, tj. bitno različita u odnosu na normalne uslove tržišta. Vanrednost, odnosno izuzetnost okolnosti se utvrđuje ako je ta okolnost nepredviđena, velika i abnormalna (rat, teroristički napad, prirodna katastrofa, nesreća, epidemija, građanski nemiri...). Takođe, davaoci državne pomoći pri dodjeli pomoći u skladu sa članom 6. stav (1) tačka b), moraju pokazati da postoji uzročnost, odnosno direktna veza između dešavanja i štete (a šteta mora biti i fizička i finansijska), i proporcionalnost mjeru, odnosno pomoć mora biti ograničena na ono što je neophodno kako bi se nastala šteta otklonila, a iznos pomoći (naknade) se utvrđuje za svakog korisnika pojedinačno (intenzitet može biti i do 100% u odnosu na stvarne opravdane troškove).

Bitno je istaći da je Evropska komisija zauzela stav da se pandemija COVID-19 smatra takvom izuzetnom (vanrednom) pojmom u EU⁸. Naime, Evropska komisija smatra da se pandemija COVID-19 smatra „neobičajenim događajima izvan kontrole države“. Ta klauzula omogućava vanrednu potrošnju za ograničavanje pandemije COVID-19, kao što su izdaci za zdravstvenu zaštitu i ciljane mjeru pomoći za preduzeća i radnike.

⁶ „Službene novine Federacije BiH“, broj 27/18.

⁷ Ugovor o funkcionisanju Evropske unije - prečišćeni tekst 2016, (Službeni list Evropske unije, serija C, broj 202, od 07. 06. 2016.).

⁸ Koordinisani ekonomski odgovor na pandemiju COVID-19 od 13.3.2020. godine.

https://ec.europa.eu/info/sites/info/files/communication-coordinated-economic-response-covid19-march-2020_en.pdf

Imajući u vidu prethodno navedeno, davaoci državne pomoći mogu u skladu sa članom 6. stav (1) tačka b) Zakona preuzeti mjere finansijske podrške u formi programa/šema ili pojedinačne državne pomoći, kojima će nadoknadići troškove preduzeća u sektorima koji su posebno pogodeni izbijanjem COVID-19 (npr. transport, turizam, kultura, ugostiteljstvo i maloprodaja) za štetu koja je direktno nastala zbog pandemije. Instrumenti, odnosno vrste državne pomoći (subvencije, poreske olakšice, subvencije kamate, otpisi dugovanja, krediti s preferencijalnom kamatnom stopom itd.) ostavljeni su na izbor davaocima. Pri kreiranju programa/šema državne pomoći, davaoci mogu koristiti iskustvo i praksu u EU, odnosno programe koje je Evropska komisija nedavno odobrila⁹. Na osnovu navedenih odluka Evropske komisije u vezi s primjenom člana 107. stav (2) tačke (b) UFEU-a, moguće je da svi davaoci u Bosni i Hercegovini u skladu sa članom 6. stav (1) tačka b) Zakona refundiraju troškove organizatorima događaja, ako su događaji poput koncerata, festivala, sportskih događaja, kulturnih ili komercijalnih sajmova otkazani kao direktna posljedica izuzetne pojave na njihovoj teritoriji.¹⁰ Takođe, shodno Privremenom okviru, pomoć koja se dodjeljuje bankama u skladu sa članom 6. stav (1) tačka b) Zakona s ciljem nadoknade neposredne štete preduzećima nastale kao posljedica COVID-19, direktna je pomoć tim preduzećima i smatra se da takva pomoć nema za cilj očuvanje ili obnovu održivosti, likvidnosti ili solventnosti banaka.

6) Mjere koje su mogu preuzeti u skladu sa članom 6. stav (2) tačka b) Zakona

Na osnovu člana 6. stav (2) tačka b) Zakona, Savjet može odlukom u skladu sa članom 12. stav (3) odobriti državnu pomoć za unapređenje provođenja projekta od zajedničkog evropskog interesa u Bosni i Hercegovini ili **za otklanjanje ozbiljnog poremećaja ekonomije Bosne i Hercegovine**. Navedena zakonska odredba je u potpunosti usaglašena sa članom 107. stav (3) tačka b) UFEU-a kojim je propisano da je spojiva s unutrašnjim tržištem pomoć namijenjena važnim projektima koji imaju zajednički evropski interes, ili za otklanjanje ozbiljnih poremećaja u privredi neke države članice. Navedeni član 6. stav (2) tačka b) Zakona omogućava Savjetu da odobri, državnu pomoć za otklanjanje ozbiljnih poremećaja u ekonomiji, ako taj poremećaj utiče na cijelu ekonomiju (ekonomsku aktivnost) u Bosni i Hercegovini ili na određeni njen dio, na identičan način, kao što član 107. stav (3) tačka b) UFEU-a pruža mogućnost Evropskoj komisiji da proglaši spojivim sa unutrašnjim tržištem mjere pomoći za otklanjanje ozbiljnih poremećaja u ekonomiji određene države članice EU.

S obzirom na to da pandemija bolesti COVID-19 utiče na sve države članice i da mjere ograničavanja koje su države članice preuzele utiču na preduzeća, Evropska komisija smatra da su državne pomoći

⁹ Izbijanje koronavirusa - Lista odobrenih mjera država članica u skladu s čl. 107. stav (2) tačka b) UFEU-a i članom 107. stav (3) tačka b) UFEU-a i u okviru privremenog okvira državne pomoći https://ec.europa.eu/competition/state_aid/what_is_new/State_aid_decisions_TF_and_107_2_b_and_107_3_b.pdf

¹⁰ Prva odluka EK, odnosno odobrena pomoć u situaciji pandemije COVID-19 u iznosu od 12 miliona eura bila je za danski program nadoknade štete nastale otkazivanjem velikih javnih manifestacija , koju je EK odobrila u roku od 24 časa od notifikacije (prijave). EK je utvrdila da novonastala situacija, ne samo u Danskoj nego i u cijelom svijetu, jeste izuzetna jer nije mogla da se predviđi, velikih je razmjera, što humanitarnih, što ekonomskih, tako da postoji direktna uzročna veza između ove izuzetne pojave i štete pretrpljene zbog otkaza karata, tako da je mjeru srazmjerna jer pomoć nije premašila ono što je neophodno za otklanjanje pretrpljene štete. https://ec.europa.eu/competition/elojade/isef/case_details.cfm?proc_code=3_SA_56685

opravdane i da se tokom ograničenog perioda mogu proglašiti spojivim s unutrašnjim tržištem na osnovu člana 107. stava (3) tačke (b) UFEU-a kako bi se nadoknadio manjak likvidnosti s kojim su suočena preduzeća i osiguralo da poremećaji koje je prouzrokovala pandemija COVID-19 ne ugroze njihovu održivost, a posebno održivost MSP-ova. U tu svrhu Evropska komisija je, kao što smo prethodno u tekstu istakli, usvojila poseban pravni okvir u kome centralno mjesto zauzima Privremeni okvir i izmjene istog. Evropska komisija u Privremenom okviru utvrđuje uslove spojivosti (usklađenosti) koje će u načelu primjenjivati na pomoći koje države članice dodijele na osnovu člana 107. stava (3) tačke (b) UFEU-a. U navedeom Privremenom okviru se navodi da će države članice stoga morati dokazati da su mjere državne pomoći koje su prijavljene Evropskoj komisiji na osnovu istog potrebne, primjerene i srazmjerne za otklanjanje ozbiljnih poremećaja u ekonomiji predmetne države članice i da se u potpunosti poštuju svi uslovi iz ovog Privremenog okvira. Privremeni okvir obuhvata sljedeće mjere državne pomoći: (1) Pomoć u obliku direktnih grantova, povratnih avansa ili poreskih olakšica¹¹, (2) Pomoć u obliku garancija za kredite, (3) Pomoć u obliku subvencionisanih kamatnih stopa na kredite, (4) Pomoć u obliku garancija i zajmova usmjerenih preko kreditnih institucija ili drugih finansijskih institucija, (5) Kratkoročno osiguranje izvoznih kredita, (6) Pomoć za istraživanje i razvoj u vezi COVID-19, (7) Investiciona pomoć za testiranje i povećavanje (nadgradnju) infrastrukture, (8) Investiciona pomoć za proizvodnju relevantnih proizvoda COVID-19, (9) Pomoć u obliku odlaganja poreza i/ili doprinosa za socijalno osiguranje, i (10) Pomoć u obliku subvencija zarada zaposlenima kako bi se izbjegla otpuštanja zaposlenih tokom epidemije COVID-19.

U ovom Obavještenju, nećemo navoditi uslove propisane Privremenim okvirom i njegovim izmjenama za svaku pojedinačnu mjeru državne pomoći, s obzirom da je to detaljno obrazloženo u Priručniku o primjeni pravila državne pomoći u kontekstu pandemije COVID-19 koji je izradio ekspertski tim Projekta „Podrška Savjetu/Vijeću za državnu pomoć BiH“ i koji će biti dostavljen organima za sprovođenje Zakona i davaocima državne pomoći u prilogu ovog Obavještenja.

S obzirom da navedeni Privremeni okvir i izmjene istog omogućava državama članicama EU da preuzimaju privremene mjere državne pomoći s ciljem otklanjanja poteškoća s kojima se preduzetnici trenutno suočavaju zbog pandemije COVID-19, Savjet daje preporuku organima za sprovođenje Zakona¹² (Savjet ministara BiH, Vlada Republike Srpske, Vlada Federacije BiH i Vlada Brčko Distrikta BiH) da u skladu sa članom 24. stav (1) Zakona usvoje podzakonske akte kojima bi propisali uslove za dodjelu državne pomoći, te kriterije za procjenu usklađenosti iste s ciljem usklađivanja sa pravnom stečevinom EU, odnosno prije svega Privremenim okvirom i njegovim izmjenama.

Usvajanje navedenih podzakonskih akata usklađenih sa Privremenim okvirom Evropske komisije je neophodno kako bi davaoci državne pomoći u Bosni i Hercegovini dobili mogućnost da preuzimaju privremene mjere državne pomoći (koje nisu propisane važećim propisima u BiH) s ciljem saniranja i

¹¹ Dozvoljena je državna pomoć do iznosa od 800.000 eura po preduzetniku (pod posebnim uslovima, između ostalog: dodjela do 31.12.2020., po programu državne pomoći i ne preduzetnicima koji su na dan 31.12.2019. godine bili u poteškoćama).

¹² Članom 4. stav (3) tačka b) Zakona je određeno da su organi za sprovođenje istog: Savjet ministara BiH, Vlada Republike Srpske, Vlada Federacije BiH i Vlada Brčko Distrikta BiH, putem svojih nadležnih organa.

otklanjanja ekonomskih posljedica pandemije COVID-19 na privredu u Bosni i Hercegovini, na identičan način kao što to čine države članice EU u skladu sa novousvojenim fleksibilnim pravnim okvirom državne pomoći u EU.

Smatramo bitnim ukazati na činjenicu, da će Savjet do usvajanja navedenih podzakonskih akata od strane organa za sprovodenje Zakona, eventualne zahtjeve za odobrenje državne pomoći u skladu sa članom 6. stav (2) tačka b) Zakona ocjenjivati primjenjujući Privremeni okvir Evropske komisije i njegove izmjene shodno obavezama propisanim članom 71. stav 2. SSP-a i članom 1. stav (2) Zakona, koje smo prethodno u tekstu obrazložili.

Napominjemo da je u skladu sa članom 5. stav (3) Zakona, državna pomoć dodijeljena protivno odredbama ovog zakona, odnosno bez ili protivno odredbama odluke Savjeta, nezakonita i mora se izvršiti povrat iste.

Savjet izražava spremnost da sarađuje sa svim davaocima državne pomoći vezano za primjenu pravila državne pomoći na mjere finansijske pomoći privrednim subjektima s ciljem otklanjanja posljedica izazvanih pandemijom COVID-19.

S poštovanjem,

Prilog: Priručnik o primjeni pravila državne pomoći u kontekstu pandemije COVID-19



